



Broj: 02-04-1015/23
Trnovo, 17.4.2023. godine

Na osnovu člana 70. Zakona o javnim nabavkama („Službeni glasnik BiH“, br.39/14 i 59/22), a na Prijedlog Komisije za provođenje postupka javnih nabavki broj: 02-04-1015/23 od 17.4.2023. godine, u postupku javne nabavke radova – Izgradnja planinarskog doma, Općinski načelnik je d o n i o:

ODLUKU o izboru najpovoljnijeg ponuđača za nabavku radova

Član 1.

Prihvata se Prijedlog Komisije za provođenje postupka javnih nabavki, broj: 02-04-1015/23 od 17.4.2023. godine i ugovor za javnu nabavku: **Izgradnja planinarskog doma** dodjeljuje se ponuđaču **Tenneco Ing d.o.o. Kiseljak, Josipa Bana Jelačića 21.**, ponuda broj: 06-04/23 od 6.4.2023. godine, za ponudenu cijenu u iznosu od **239.315,70** bez PDV-a, kao najpovoljnijem ponuđaču.

Član 2.

Prijedlog okvirnog sporazuma o nabavci dostavit će se na potpis izabranom ponuđaču na adresu **Tenneco Ing d.o.o. Kiseljak, Josipa Bana Jelačića 21.** Obavezuje se izabrani ponuđač da dokaze o kvalificiranosti, ne starije od 3 mjeseca računajući od momenta predaje dokumenata, dostavi u roku od 7 dana od dana prijema odluke, u protivnom će se postupiti u skladu sa članom 72. stav (3) tačka b) Zakona o javnim nabavkama.

Član 3.

Za izvršenje ove odluke zadužuje se i ovlašćuje nadležna služba Općine.

Član 4.

Ova odluka objavit će se na web-stranici www.trnovo.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-04-1015/23 od 9.3.2023. godine.

Javna nabavka je provedena putem otvorenog postupka javne nabavke radova.

Procijenjena vrijednost javne nabavke bez PDV-a je 239.316,24 KM.

Tenderska dokumentacija objavljena na portalu Portalu javnih nabavki dana 15.3.2023. godine.

Obavještenje o nabavci objavljeno u Službenom glasniku BIH.

Komisija za provođenje postupka javnih nabavki imenovana je rješenjem broj: broj: 02-04-73/22 od 26.01.2023. godine, u sastavu:

ADEL KOSO, predsjedavajući
ZINETA HADŽIĆ, član
SEMIR PRASKO, član

Kao zamjenski članovi imenovani su:

1. NAĐA MILIŠIĆ
2. HAMZA KADRISPAHIĆ
3. ŠUHRA SPAHIJA
4. MIRSAD TERZO

5. ELMIR ŠEHOVIĆ

Sekretar komisije Irma Malićević

Komisija je dostavila dana 17.4.2023. godine izvještaj o radu broj: 02-04-1015/23 od 17.4.2023. godine sa prijedlogom za donošenje odluke o izboru najpovoljnijeg ponuđača u postupku javne nabavke radova Izgradnja planinarskog doma.

U postupku po izvješću o radu je utvrđeno je da je Komisija za provođenje postupka javnih nabavki blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2.
- da su blagovremeno zaprimljene 2 ponuda,
- da je neblagovremeno zaprimljeno 0 ponuda,
- da je ponude ponuđača **Tenneco Ing d.o.o. Kiseljak, Josipa Bana Jelačića 21.**, prihvatljiva.

Da ponuda ponuđača ZZ Gros-Comp Hadžići, Hadželi 8., nije prihvatljiva i to kako slijedi:

Uvidom u ponudu ponuđača broj 30-01-20/23 od 6.4.2023. godine, stranicu 16 iste dostavljena je izjava iz člana 45. Zakona o javnim nabavkama. Uvidom u istu vidljivo je da ponuđač na propisane rubrike Mjesto i datum davanja izjave ostavio prazno mjesto, odnosno istu rubriku nije popunio;

Uvidom u stranicu 19 ponude, vidljiva je izjava iz člana 51. Zakona o javnim nabavkama. Ista izjava nije popunjena na propisani način, odnosno na mjestu gdje su se trebali navesti „precizni podaci vezane za zahtjeve iz tenderske dokumentacije“, ostalo je prazno mjesto. Ponuđač je u konkretnom slučaju propustio da navede koji su to precizni podaci koji su traženi tenderskom dokumentacijom. Tačkom **12.2. Tehnička i profesionalna sposobnost** je propisano:

„(član 51. Zakona o javnim nabavkama):

a) Uslov: Da je ponuđač u periodu od posljednjih 2 godine (računajući od dana objave tenderske dokumentacije na portalu javnih nabavki) ili od datuma registracije (ako je ponuđač registrovan, odnosno počeo sa radom prije manje od 2 godine) uredno izvršio ugovor/ugovore iz predmeta nabavke,

Dokaz: Spisak izvršenih ugovora iz predmeta nabavke i jedna potvrda koju daje druga ugovorna strana o uredno izvršenom ugovoru iz predmeta nabavke minimalne vrijednosti 220.000,00 KM bez PDV-a i to na poslovima izgradnje objekata visokogradnje u posljednje dvije godine računajući od dana objave TD na portalu javnih nabavki”. Dakle, ponuđač je na izjavi propustio da navede naprijed naznačene precizne uvjete koji se odnose na konkretni postupak javne nabavke;

Uvidom u stranicu 20 ponude dostavljena je izjava iz člana 52. Zakona o javnim nabavkama. Uvidom u istu vidljivo je da ponuđač na propisane rubrike Mjesto i datum davanja izjave ostavio prazno mjesto, odnosno istu rubriku nije popunio;

Na stranicama 25-27 ponude dostavljeni dokazi o uspješnoj realizaciji ugovora kako slijedi:

1. Uvjerenje broj 12-11-2347/23 od 28.3.2023. godine izdato od strane Općine Ilidža o uspješnoj realizaciji ugovora – Izvođenje radova na rekonstrukciji mokrih čvorova u objektu JU Prva osnovna škola od 20.6.2022. godine i ukupne vrijednosti izvršenih radova 153.139,52 KM sa PDV-om
2. Potvrda o uredno izvršenom ugovoru broj 02-05-1110/22 od 21.3.2022. godine izdata od strane Općine Trnovo o uspješnoj realizaciji ugovora – Izgradnja objekta za izlaz na garažu i smještaj sprinkler postrojenja od 01.11.2019. godine i ukupne vrijednosti izvršenih radova 177.635,34 KM bez PDV-a
3. Potvrda o uredno izvršenom ugovoru broj 02-05-2073/22 od 8.4.2019. godine izdata od strane Općine Trnovo o uspješnoj realizaciji ugovora – Izgradnja domova kulture Dejčići i Delijaš od 28.6.2018. godine i ukupne vrijednosti izvršenih radova 199.642,49 KM bez PDV-a i rokom realizacije 60 dana.

Tačkom **12.2. Tehnička i profesionalna sposobnost**, tačkom a) je propisano „Dokaz: Spisak izvršenih ugovora iz predmeta nabavke i jedna potvrda koju daje druga ugovorna strana o uredno izvršenom ugovoru iz predmeta nabavke minimalne vrijednosti 220.000,00 KM bez PDV-a i to na poslovima izgradnje objekata visokogradnje u posljednje dvije godine računajući od dana objave TD na portalu javnih nabavki”. Uvidom u dostavljene potvrde, vidljivo je da iste ne odgovaraju traženom uvjetu tenderske dokumentacije, odnosno niti jedna potvrda se ne odnosi na izgradnju objekata visokogradnje minimalne vrijednosti 220.000,00 KM bez PDV-a i izvršenih u posljednje dvije godine računajući od

dana objave TD na portalu javnih nabavki. TD objavljena dana 15.3.2023. godine. Imajući u vidu sve prednje sa ponudom ponuđača imalo se postupiti shodno članu 68. stav (4) tačka i) a u vezi s članom 2. Stav (1) tačka 1) podtačka 2) Zakona o javnim nabavkama, odnosno dostavljena ponuda je nepravilna te se ista odbacuje.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

E-aukcija nije zakazivana shodno članu 2. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16).

Uvidom u priloženu dokumentaciju, nesporno je da je dostavljena ponuda prihvatljiva, kako slijedi:

R.br.	PONUĐAČ	Rangiranje ponuda prema kriteriju za izbor ponude bez PDV-a
1.	Tenneco Ing d.o.o. Kiseljak, Josipa Bana Jelačića 21.	239.315,70

Na osnovu naprijed navedenog, odlučeno je kao u članu 1. Odluke.

POUKA O PRAVNOM LIJEKU

Protiv ove odluke može se izjaviti žalba u roku od deset dana od dana prijema Odluke o izboru najpovoljnijih ponuđača. Žalba se izjavljuje Ugovornom organu u pismenoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koja ne može biti manji od tri, kako bi mogla biti uručena izabranom ponuđaču kao i drugim strankama u postupku.

Dostavljeno:

1. Ponuđačima
2. U spis predmeta

Izradio: Adel Koso



Kontrolisao: Osman Smječanin, pomoćnik rukovodioca organa državne službe





